



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Bisvntino Archiepisc. & suffraganeis ejus.

urn:nbn:de:hbz:466:1-20006

G. CONVENTREN. EPISCOPO.

Epist. 520.
Vt à decessori-
bus alienata re-
vocet.

Sicut nostro est apostolatui referatum, nonnulli de prædecessoribus tuis, non attendentes quòd conditionem Ecclesiæ meliorem facere poterant, non pejorem, possessiones ad tuum episcopium pertinentes injustè alienare pro suæ voluntatis arbitrio præsumserunt. unde ipsa Ecclesiæ grave dispendium proponitur incurrisse. Nos ergo nolentes quòd delictum personæ in damnum Ecclesiæ debeat redundare, fraternitati tuæ auctoritate præsentium indulgemus ut quæ à dictis prædecessoribus tuis minùs legitimè alienata fuerunt, ad jus & proprietatem Ecclesiæ tuæ tibi liceat appellatione remota legitimè revocare. Nulli ergo &c. Datum Laterani VI. Idus Ianuarij.

E I D E M.

Epist. 521.
Vt patronis in
præsentando
clericum ido-
neum discor-
dantibus, Episcopus Vicarium
durante lite in-
stituatur.
Cap. Cùm pro-
pter. De jure pa-
tronatus.

Cum propter laicorum discordias non debeat Ecclesiis præjudicium generari, grave gerimus & indignum quòd (sicut nostro est apostolatui referatum) occasione disensionis quæ de jure patronatus vertitur inter eos, Ecclesiæ plus debito remanent rectoribus viduata, quod in ipsarum grave dispendium noscitur redundare. Verùm quia secundùm Apostolum instantia nostra quotidiana est omnium Ecclesiarum sollicitudo continua, volentes his quæ præmissimus ex debito pontificalis officij obviare, fraternitati tuæ per apostolica scripta mandamus quatenus si de jure patronatus quæstio emerferit inter aliquos, & cui competit, infra quatuor menses non fuerit diffinitum, ex tunc Ecclesiam ipsam appellatione remota de persona non differas idonea ordinare: ita quòd illi ex hoc non debeat in posterum præjudicium generari, qui jus evicerit patronatus. Datum Laterani III. Idus Ianuarij.

ARELATEN. ARCHIEPISCOPO.

Epist. 522.
Injungitur illi
ut inquirat de
statu Episcopi
Regensis, qui
episcopatu ren-
unciare cupie-
bat.
Imbertus Episc.
Regen. secessit in
monasterium
Lirinese.

Hanc inter spiritualia & corporalia constat existere differentiam, quòd corporalia faciliùs destruuntur quàm construuntur, è contrario verò spiritualia faciliùs construuntur quàm destruuntur. Vnde juxta canonicas sanctiones Episcopus solus honorem dare potest, solus autem auferre non potest. Nimirum venerab. frater noster Regen.

Episcopus, sicut ex ipsius & ven. fratris nostri Aquen. Archiepiscopi literis, quas nostro apostolatui destinarunt, nobis innotuit evidenter, quoniam Ecclesiæ suæ propter manifesta impedimenta non sufficit providere, unde ipsi Ecclesiæ populòque sibi commisso non leve timeret imminere periculum, omnino cedere ac deponere onus sollicitudinis pontificalis affectat. super quo humiliter postulavit à nobis sibi licentiam indulgeri. Cùm igitur inter sacros ordines dignitas pontificalis excellat, de qua soli Petro reservatum est privilegium, volentes in hoc deliberatione provida & debita maturitate procedere, fraternitati tuæ per apost. scripta mandamus quatenus de statu Regen. Ecclesiæ ac personæ ipsius Episcopi veritatem indagatione sollicita perscruteris, & utrum ejus persona propter impedimentum cordis vel corporis insufficientis sit ad gerendam sollicitudinem pastorem, veridica nobis relatione rescribas, ut per te certiores effecti, securiùs in negotio procedamus. Datum ut supra.

BISUNTINO ARCHIEPISC.
& suffraganeis ejus.

Cum ad nostram nuper notitiam devenisset quòd Hu. qui pro se pro Abbate Luxovien. gerebat, non antea fuerit monachus quàm electus, nos attendentes quòd contra regulares traditiones istud fuerit attentatum, cum nullus spem vel promissionem habens ut Abbas fiat, debeat monachari, electionem de ipso factam de consilio fratrum nostrorum curavimus irritare. Quocirca fraternitati vestræ per apostolica scripta mandamus quatenus tam monachis quàm aliis fidelibus monasterij memorati studeatis ex parte nostra districtiùs inhibere ne præfato H. ullam obedientiam vel reverentiam propter jamdictam electionem audeant exhibere, & si quid in eodem monasterio disponendo jam perperam attentavit, nullius robur habere volumus firmitatis, sed penitus irritari. Quòd si contra interdictum nostrum curam monasterij usurpare præsumserit, ipsum & qui ei faverint in hac parte, per censuram ecclesiasticam remoto appellationis obstaculo compescatis. Datum Laterani III. Idus Ianuarij.

Epist. 523.
Ne quis in Ab-
batem Luno-
viensem eligat,
nisi fuerit
monachus
istius ordinis.
Cap. Cùm ad
nostram. De
electione & elec-
ti potestate.